

CHAVANAYEN,
Frantziako

hegoekialdean, Lyon eta Marseille arteko trenbidea itxita egongo da datorren astelehena bitarte likido erregaia zeraman tren bat bere bidetik atera zelako. Istripua astelehenetik astearterako gauean gertatu zen eta hildakorik ez zen izan, baina kalte material garrantzitsuak sortu zituen.

**Jaime Blanco izango da Cantabriako presidente berria**

J.M.S. / SANTANDER

PSOE eta PPren artean Jaime Blanco sozialista Cantabriako presidentea eta popular bat presidente ordeak izateko akordio batera iritsi ziren, honela Juan Hormaechea presi-

dentziatik kenduz. Blancok laguntza ematen dioten alderdi guztiei gobernuaren partaide izatea eskainiko die.

Partido Popularrak, CDSe bano ordezkari bat handiagoa duenez, gobernuaren er parteidetz handiagoa izango du. Luis Sainz Aja PSC-PSOEk idazkariorde orokorrak PPK izango duen presidentzi ordeak kontseilaritza bat ere izango duela iragarri zuen. Jose Luis Vallines PPko ordezkariak eta Juan Hormaechea presidentea batak bestearen dimisioa eskatu zuten, lehenengoak popularren zentsura mozioa aurkeztu ondoren. Hormaecheak Vallines ez den PPko beste edozeinen alde botoa emateko prest dagoela esan zuen, «traidorea, norberekoa eta beti zerbaiten atzetik dabilena delako» eta krisiaren arduraduran delako.

**BIAK
ETXERA
JOAN**

Vallinesek berriz, Hormaecheak dimititu edo hurrengo hauteskundeetan ez aurkezteko bere hitza ematen badu, berak ere dimisioa aurkeztuko lukeela adierazi zuen. Honela «biok etxera joan eta zerbait konponduko dugu» baieztatu zuen. Hormaecheak eskatzen zuena ezinezkoa zela erantzun zion eta dimisioa eskatu zion. Presidente autonomikoak PPn ez zela afiliatu «alderdi hori irain iraunkorra izan delako azken urte hauetan» esan zuen eta Espainia atzeratuaren errudun bakarra eskubia dela gehitu zuen. NATOren erreferenduman popularrek abstentzioaren alde jotzea kritikatu zuen.

PP, bere zentsura mozioaren birtartez, boterea PSOEn ematen ari zaio eta hori bere ardura izango dela esan zuen presidentea, nahiz eta tragedia bat ez izan. PSOEn mozioagatik zentsuratuta ez da sentitzen Hormaechea, «zentsuratuak popularrak dira» erantsi zuen. Bere alderdiak, Union para el Progreso de Cantabria, hurrengo hauteskundeetan PP «bartzetzeko» nahikoa boto lor dezakeela ziurtatu zuen, nahiz eta «beharrak betetzeko» Partido Popularrak dituen hamahiru botoak mantendu ditzakeen. Herenegungo sozialisten mozioan bezalaxe, Gobernu Kontseiluaren gestioa defendatu zuen eta zorrak, gehien kritikatu den gauzetako bat, kontrolatua dagoela esan zuen Hormaecheak.

**DESOREKAK
KENDU
NAHI**

Jose Luis Vallines PPK Cantabriako Gobernu presidentziarako aurkeztu duen hautagaiak «presidentea zein den baino, zeinek ez duen izan behar da garrantzitsua» adierazi zuen. Vallinesek bere gobernu programaren lerro nagusiak azaldu zituen. Helburu nagusienak 1991erako Aurrekontu Lege bat, mozioa apoiatzen duten alderdiek jarritako lehentasunak bilduz, eta gaur egun Cantabriaren finantzial egoerak sortzen dituen desorekak gutxitzearen konprometua dira.

Gobernu Zentralarekin eta Europako Elkartarekin dialogoa hasi, enpresak, unibertsitatea eta beste erakunde eta elkarteekin harreman instituzionalak ezarri eta politikoki baztertutako udalak laguntzeko plangintza garatzea dira dituen beste helburu batzuk.

**EUSKARA HOBETZEN**

Udaletxe, Foru Aldundi eta Eusko Jaurlaritzako langileak dira. Zerbitzu hobia eskaintzeko ari dira lanean ■ Bere euskara lantzen ari dira ■ Zuk ere lagundu dezakezu, edozein Herri-Erakundetara zatozenean, Euskaraz hitz eginez ■ Denon artean gero eta Herri Erakunde eta Gizarte euskaldunagoak egingo ditugu ■ Zure eguneroko harremanetan eta Herri-Erakundeetan ■

**EGIZU EUSKARAZ****HIZKUNTZA ESKAKIZUNAK EZARTZEKO PLANGINTZA**

EUSKO JAURLARITZA



GOBIERNO VASCO